

PASCHALIS II CONCILIUM LATERANENSE.

(Anno 1112, Mart. 18.)

ACTIO CONCILII CONTRA HERESIM DE INVESTITURIS.

Anno ab incarnatione Domini 1112, indict. 5, Anno 13 pontificatus dicti pontificis, mense Martio, 15 Kalendas Apriles, celebratum est concilium Romæ, Lateranis, in basilica Constantiniana, in quo cum dominus Paschalis⁶ papa resedisset cum archiepiscopis et episcopis, et cardinalibus et abbatibus, et varia multitudine clericorum et laicorum, ultima die concilii, facta coram omnibus professione catholice fidei, ne quis de fide ipsius dubitaret dixit : *Amplector omnem divinam scripturam, scilicet veteris et novi testamenti, legem a Moyse scriptam, et a sanctis prophetis. Amplector quatuor evangelia, septem canonicas epistolas, epistolas gloriosi doctoris beati Pauli apostoli, sanctos canones sanctorum apostolorum, quatuor universalia concilia, sicut quatuor evangelia : Nicenum, Ephesinum, Constantinopolitanum, Calcedonensem, et Antiochenum concilium, et decreta sanctorum patrum, Romanorum pontificum, et precipue domini mei pape Gregorii VII, et beate memorie pape Urbani⁹ secundi. Que ipsi laudaverunt, laudo; que tenuerunt, teneo; que confirmaverunt, confirmo; que dampnaverunt, dampno; que reppulerunt, repello; que interdixerunt, interdico; que proibuerunt, proibeo; in omnibus et per omnia; et in his semper perseverabo.* Quibus expletis, surrexit pro omnibus Girardus Ingolismensis episcopus, legatus in Aquitania, et communi assensu domini Paschalis pape totiusque concilii coram omnibus legit hanc scripturam : *Privilegium illud quod non est privilegium, set vere debet dici privilegium, pro liberatione captivorum et ecclesie a domino papa per violentiam Heinrichi regis¹⁰ extortum, nos omnes in hoc sancto concilio cum domino Paschali papa congregati, canonicam censuram, et ecclesiastica auctoritate iudicio sancti Spiritus dampnamus, et irritum esse judicamus, atque omnino cassamus, et ne quid auctoritatis et efficacitatis abeat, penitus excommunicamus. Et hoc ideo dampnatum est, quia in eo privilegio continetur, quod electus canonicè a clero et populo a nemine consecratur, nisi prius a rege investiatur, quod est contra Spi-*

ritum sanctum et canonicam institutionem. Perlecta vero hac carta, acclamatum est ab universo concilio : Amen! Amen! syad! fad!

Archiepiscopi qui cum suis suffraganeis interfuerunt, hi sunt : Johannes patriarcha Veneticus, Landulfus Beneventanus, Sennes¹¹ Capuanus, Amalfitanus, Regitanus, Ydruntinus, Brundisinus, Compasanus, Giruntinus, Rossanus, archiepiscopus sancte Severinæ; episcopi Romani : Cencius Savinensis, Petrus Portuensis, Leo Ostiensis, Cono Penestrinensis; Gerardus Ingolismensis, Galo Leonensis, archiepiscopus Biennensis, Rogerius Wulternensis, Walfredus Sennensis, Rodlandus¹² Populiensis, Gregorius Terracinensis; Wilhelmus Siracusanus, legatus pro omnibus Siculis; Wilhelmus Trojanus; et alii fere centum episcopi, Brunus Signensis, Johannes Tusculanensis.

Episcopi, cum essent Romæ, illa die non interfuerunt concilio, qui postea lecta dampnatione nefandi privilegii consenserunt, et laudaverunt : cardinales presbyteri urbis Romæ : Boniphatus tituli sancti Marci, Robbertus tituli sancti Eusebii, Romanus tituli sancte Priscæ, Gregorius tituli Apostolorum, Benedictus tituli Eudoxie, Anastasius tituli sancti Clementi, Riso tituli sancti Damassi, Romanus tituli sancte Praxedis, Johannes tituli sancte Cecilie, Diviczo tituli Equitii, Theobaldus tituli Pamachii, Agustinus tituli sancti Grisogoni, Rainerius tituli sanctorum Marcellini et Petri, Vitalis tituli sancte Balbine, Petrus sancti Sixti, et Albericus sancte Savine cardinales. Cum Rome essent, illo die non interfuerunt concilio, qui postea, lecta dampnatione nefandi privilegii, consenserunt et laudaverunt, diacones : Johannes abbas Sublacenensis, Johannes Gajetanus, abbas sancti Andreæ, Leo, Gregorius, Aldo, Thobaldus, Ugo, Rusciannus. Hii omnes in dampnatione predicti privilegii consenserunt, cum abbatibus et innumerable multitudine, tam clericorum quam laycorum.

VARIE LECTIONES.

⁶ P. c. ⁹ V. c. ¹⁰ H. R. c. ¹¹ Senne' c. ¹² Rodlandus codex.